

罷後肥前豐前筑及西馬大村深谷之師。公及二大夫遣使豐府曰。以君之靈。破走藝人。群帥勤勞。已以便宜罷之。如南豐之師。得命始罷歸。高良山座主及箱崎座主。供事甚力。歸日。具以聞。豐侯討隆信及敗藝師。皆先人爲予屢言之。豐前覺書下同。

公在山隈。謂先人曰。往伐立花。命卿聽采肥筑事甚悉。不知何由得之。對曰。臣前日受命。聞箱崎僧得罪亡寓佐嘉。臣土井出雲所蓄髮爲書佐。因往見之。詭言豐侯令臣齎文書茶具。送至箱崎座主所。濟小森野。

從者誤墜之水中。撈之不得。懼得罪。不敢歸也。僧信之。延臣與卧起。因從訪問。又釋劍屬僧。微服往來城中觀聽。已而僧見出雲言。臣出雲召與語。遇臣頗厚。隆信暱出雲。比其老臣。臣以故稍有所得。臣又謂僧。往箱崎省家。因得歸言事。臣素好洞簫。謂僧。久爲師費。且遊後筑。吹簫自給。屬劍於僧。之後筑。諸城主多從長尾役。臣就城下往來聽采。略有所得爾。公悅。因言。欲問因幡大藏。何因采事。不知果問乎否。

建武中。足利尊氏西去。已悉鎮西之賦。東上。置三檢斷。

於九洲。仁木一色高橋是也。高橋光種以後筑高橋與其族同名。城居之。後遷巖屋寶滿。天文中。仁木一色已滅。高橋氏獨存。豐之盛。同菊池小貳宗像諸族皆屬焉。高橋長種死無子。舊臣屋山北原福田伊藤相與謀。請豐侯曰。高橋名族。願得公族一人為後。豐侯許之。乃以一萬田親敦子鑑種。為高橋氏後。弘治三年。封巖屋寶滿。其田二千頃。統前筑事。及宗麟即位。愛其材武。遇之甚厚。豐府臣無出其右者。至此背叛見黜。其臣高橋越前及屋山北原福田伊藤成富

萩尾等又請曰。鑑種背叛罪大。臣等不復以為君。請使公族繼撫其眾。則寶滿巖屋莫不為墟莽。初北原鎮久有寵於鑑種。勸之反。及鑑種遷小倉。不告而去。至豐府。請曰。願以吉弘鎮理為高橋氏後。鎮理鑑理第二子。即天叟公也。豐府諸大夫議曰。寶滿巖屋險要。宜得猛士守之。鎮理亦鑑種之族也。有文武材。宜為之後。遂許之。於是天叟公與鑑種約為父子。冒高橋氏。更名鎮種。居巖屋。故高橋氏臣共奉之。後削髮號紹運。勇武名聲著聞。及薩師略前筑。守巖屋不肯降。城陷死之。九州治亂記。九

州軍記略同。○葆光按。野史鑑遷小倉。以秋月文  
種子元種為嗣。天叟公非鑑種義子。永祿十二年十  
二月。豐侯賜巖屋寶滿於公。見本藩吉弘氏所藏古  
文書。本書及九州軍記所載。皆誤矣。高橋記。初天叟  
公在豐。其父鑑理為娶齋藤鎮實妹。豐方與藝構兵。  
久不成婚。公與鎮實語。因從容謂之曰。家父約婚。君  
幸許之。國家多虞。不得成禮。每當納采。鎮實曰。此事  
僕固與尊人。有成言。屬家妹患痘醜陋。恐不足  
以配吾子。公曰。君何為此言。僕非好色者。以君豐府  
勲戚世有功烈。子孫冀有所裨。式得自立。豈以容色之  
故乎。遂娶齋藤氏。生松蔭公及公子統增。公時年  
未弱冠。固知良將。雖少。其立志自與眾人不同也。

問本村城卑。元龜元年八月。公遷後筑赤司。二年。豐侯  
命統前筑事。五月。遷立花。兵亂後。城郭破壞。因略修  
築。八月。迎夫人女公子於赤司。於是前筑城主以下

皆來賀。臣庶家室亦至自豐。豐前覽書。利光氏編集

亂記立花元龜元年。大友興廢記為永祿十二年十  
一月。皆誤。薦野家譜。元龜元年十月。豐侯命梅岳公  
鎮立花。十一月。自豐府遷立花。兵亂後。室屋傾圮。因  
命修葺。又還豐府。命增時。自薦野時往巡視。二年正  
月。增時往立花。留以待公至。二十一日。公至。增時饗  
公。下至士卒。皆周。二十二日。天叟公設饗。二十三  
日。博多白杵鑑賡饗公。二十四日。公更饗天叟公及  
鑑賡。增時。此蓋得其實。但言自豐府遷  
立花。又還豐府。誤。是時公居赤司耳。

公賜族立花氏者。請豐府所得。人皆知之。而未詳  
何故。由布惟次為予言。嘗聞諸先人曰。鑑載已誅。公  
欲居立花。當是時。豐府臣有欲居立花者。陰沮之。公

以爲誅鑑載。吾亦有微勞。且立花氏於豐府屬尊。寵  
遇無比。吾居立花。彈壓隣敵。豐府禮遇自  
當不下。曩時立花氏。因請守立花。不聽。請冒立花氏  
二。亦不聽。公遂言。臣設因是得罪。棄多年勤勞。誠須  
固請。豐侯聞之曰。我之不聽鑑連。以立花氏屢背叛不  
忠也。不然余何愛。終聽之。然公謙讓未敢稱立花氏。獨  
使鎮實稱立花。微示更姓。公卽世前年。松蔭公亦稱  
立花氏。孫光按。天正八年公贈豐府大夫書。署曰  
立花道雪。則公已稱立花氏也。九年賜鎮實  
書。稱戶次右衛門大夫。則鎮實未更姓也。十年以  
豐府賜旗并姓大宴。公族皆賜立花氏。松蔭公稱立

花。蓋始此時也。在梅岳公薨前三年。野史皆言。梅岳公未嘗稱立花氏。恐誤。

亂。往欲居立花者。不敢復言。於是豐侯命公遷立  
花。且曰。是卿所請。卿老成爲我守之以禦藝。公遂出

鎮立花。淺川聞書。下並同。

大通侯。三池侯。諱直次。謂松蔭公曰。臣欲有所請。久不得聞。君

更姓立花。臣亦辱賜姓。不知何故。松蔭公曰。先  
君之誅鑑載。子亦聞之。鑑載於豐府爲宗。世居立花。  
號曰西大友。征夷大將軍義教賜書。稱立花大友入  
道。終以立花爲族。豐府遇之尤隆。宗族無與比。及鑑

載時尚然。鑑載背反見誅。其子親善逃去窮困。請先君曰。先臣有罪見誅。臣不敢怨。請少割先臣故邑賜之。以奉宗祀。不然。宥臣使得事他邦。先君為請。豐侯不許。屢請聽從。便占居。先君又請曰。立花宗室世有勲勞。鑑光有罪。到明侯誅之。鑑載嗣立。實家臣子。微賤無行。宜其背叛見誅。曩者立花絕祀。到明侯是以立鑑載。今鑑載又誅。孫光按。大友與廢記。立花氏至謂。鑑光有罪。到明侯誅之。是也。與廢記又言。鑑載二叛而不記初叛年月。他野史多以爲。永祿八年。然別無事實可徵。疑鑑載父到明侯時叛。鎮連已賜先臣之田。受而野史誤以爲鑑載再叛也。

事於朝。臣請遷立花。以奉其祀。豐府不許。屢請始許之。然未敢稱立花氏。先君意蓋欲寡人更姓耳。親善既感先君恩惠。又喜先君爲立花氏後。獻其家所傳詔書院宣將軍教書及血扇旗吉光劍。皆罹災亡。今所存者。唯劍及扇旗已。孫光按。淺川聞書。別有一條。載此事。無雜不可解。故不采。朽網新助自後肥來。謂齋藤休無曰。立花親善所獻譜牒。其他物件。或在後肥燔之。人所共知。今有能言大友具簡以來事者。何耶。除親善外。世宜無有知者。休無曰。子怪之固宜。乃召立花四郎左衛門。與新助相見。

出立花譜足利將軍所賜書及豐府感狀示新助新助大悅。四郎左衛門養親善異母弟。以爲嗣。故頗有所聞識。仕爲徒士。公室系譜皆其所獻。稍得進用。又必獻足利將軍書。久之官不進。致仕去。不知所終。松蔭公語長久寺主僧曰。立花氏血扇。以師所聞孰爲真。先君時予所見透眼鐵骨畫日輪。後光善寺主僧母以鐵扇毀三骨者與予。卽是也。以飾扇名血扇。獨戶次氏所傳。問藤北紀伊曰。戶次賴時斬結城親光。取大友貞載所佩扇籍首。所謂鐵骨扇是也。及獻首

足利將軍更籍以親光飾扇。故二者皆謂之血扇亦可矣。然先君唯以鐵骨扇爲血扇也。紀伊又言。斬親光卽賴時。貞載亦非登時死者。方獻首時。尊氏賜吉光劍曰。是我家之寶。今嘉汝勲。特以賜之。所賜手書亦曰。結城親光斬大友貞載於陣。汝擊殺親光。身被創瘻。可謂偉績。是亦足以徵賴時斬親光。然則血扇戶次氏傳寶之亦宜矣。

公居立花所食邑。表糟谷四十八村。裏糟谷三十八村。席田郡八村。凡九十四村。其田三千餘頃。其所統六

郡宗像鞍手那珂委奴志摩早良所隸城堡山麓黨

蓋指立池田黨未詳疑即池端在糟谷土井多多良黨八田黨

薦野黨院內西鄉席田黨三代原上下府奈多三

苦黨箱崎黨米多比黨江達蒲田猪野山田久原上

十九村在糟谷郡或曰三代在夜須郡上下府在御

笠郡非下在糟谷者按所隸城堡宜近立花

而他邑皆在糟谷則無三代上下府獨凡二十一村

在他郡之理故今以在糟谷者為是表方黨亦隸焉以修立花時公命內田鎮家賦功書

為徵如下文所舉  
十二月十四日秋山口營築賦功

一正門山麓黨池田黨土井多多良黨八田黨治之

一白嶽障子嶽口薦野黨院內西鄉黨席田三代原

上上下下府奈田三苦黨治之

一弓場尾口箱崎黨米多比黨同名黨江達蒲田猪

野山田久原及表方黨共治之

右所統六郡食邑三郡所隸二十三村立花懷覽記

文二十一村此蓋如同名表方二黨故為二

十三村也是役別無書史可徵不知在何年公娶宗像氏在元龜二年以為宗像雖與豐

平一旦釁生復與藝則立花正當其衝若得宗像

禦藝計莫善於此。故謀娶其女也。是時公年五十九。夫人則二十五。以年齒實絕。立花人或言娶宗像氏不成禮。唯以爲質耳。然夫人之歸。石松秀兼送之。大和長左衛門爲媵。遂居立花。長左衛門卽寺內豐前孫也。豐前嘗在黑川。爲氏貞母氏媵。臣故長左衛門亦有是命。秀兼至立花。公召見。賜酒曰。聞卿嘗從援藝。請爲我言藝侯用兵。對曰。然。臣適藝觀藝侯用兵。可謂名不虛立矣。抑臣愚陋。何足以識藝侯。公曰。雖然。第言卿所見。秀兼因言佐須

之戰。且曰。臣有小功。藝侯曰。賞不踰時。賜以寶刀。公曰。我素聞其良將。海內無雙。果然。我不敢比。藝侯雖然。彼軍之賞也。是今日之侑也。取康重刀賜之。由是觀之。非不成禮者。夫人已適立花。居松尾之郭。號松尾君。氏貞意頗不樂。然哀其妹年長無所歸。且與立花婚。疆場無虞。民得休息。遂曲意從之。按。宗像記。夫人姿色極美。少多病。屬西州擾亂。群雄並爭。久不得出嫁。及立花納幣。梅岳公年已高。然氏貞哀其妹無所歸。終許婚。立花人不知。二君有遠圖。動以質子爲言。宗像諸臣每以爲恨也。宗像追考記。



問註所氏在安武氏所生子曰龜菊。箱崎座主憐清無嗣。請豐侯得一公子爲弟子。先人聞之言。公曰。聞箱崎座主請豐府立嗣。君何不<sub>下</sub>以龜菊爲座主弟子。君若聽之。臣願得奉書定約。公卽作書付先人。見座主。具言公意。座主曰。唯子君之命。先人反命。公悅。因急裝齋。以元龜三年八月放生會之日。入箱崎。公以先人故座主臣且久勤勞。所傳女公子亦已長。更命爲龜菊傳。謂曰。座主田三十六頃。龜菊得嗣亦幸。已而座主命龜菊代統邑事。久之公以十時連貞給事。

已久。謂可任用。命傳女公子。因令先人以女妻連貞。  
豐前覺書

橘山遺事卷二